



Broj, 01-07-10-25-12/2025
Sarajevo, 27.1.2025. godine

Na osnovu člana 25. stav (1) i člana 26. stav (4) Zakona o slobodi pristupa informacijama na nivou institucija Bosne i Hercegovine ("Službeni glasnik BiH", br. 61/23) kao i člana 5. Pravilnika o postupanju po zahtjevu za pristup informacijama Visokog sudskog i tužilačkog vijeća Bosne i Hercegovine br. 08-02-3075/2010 od 2.9.2010. godine, 08-02-3645/2013 od 24.9.2013. godine, 08-02-388-1/2014 od 22.1.2014. godine i 08-07-2-3459/2021 od 29.9.2021. godine, rješavajući po zahtjevu za pristup informacijama Elvire Subašić, [REDACTED] [REDACTED] [REDACTED] [REDACTED] [REDACTED] od 24.1.2025. godine, predsjednik Visokog sudskog i tužilačkog vijeća Bosne i Hercegovine donosi

RJEŠENJE

I Odobrava se pristup informacijama u vezi sutkinje Općinskog suda u Tuzli B [REDACTED] K [REDACTED] S [REDACTED] kako slijedi:

- a) radno pravni status;
- b) status disciplinskog postupka.

II Odbacuje se zahtjev za pristup informacijama u dijelu koji se odnosi na eventualni krivični postupak protiv sutkinje B [REDACTED] K [REDACTED] S [REDACTED] zbog nenadležnosti.

Obrazloženje

Visoko sudsko i tužilačko vijeće Bosne i Hercegovine (u daljem tekstu: VSTV BiH/Vijeće) je 24.1.2025. godine zaprimilo zahtjev Elvire Subašić, [REDACTED] (u daljem tekstu: podnositeljica zahtjeva) za pristup informacijama u vezi sutkinje Općinskog suda u Tuzli B [REDACTED] K [REDACTED], konkretno da li je istina da je podnijela ostavku na mjesto sutkinje te šta je urađeno po pitanju sankcionisanja navedene sutkinje, u vezi sa, kako se navodi, prijavom predsjednika Općinskog suda u Tuzli zbog narušavanja zakonitog prava podnositeljice zahtjeva. Također, tražena je informacija da li je protiv navedene sutkinje pokrenuta bilo kakva krivična prijava ili se desila određena sankcija povodom njenih, kako navodi, krivičnih djela.

Razmatrajući predmetni zahtjev, u skladu s nadležnostima VSTV-a BiH, utvrđeno je da VSTV BiH posjeduje informacije navedene u tački I izreke ovog rješenja, te da omogućavanje pristupa istim nije protivno odredbama Zakona o slobodi pristupa informacijama na nivou institucija Bosne i Hercegovine ("Službeni glasnik BiH" 61/23; dalje u tekstu: Zakon).

U odnosu na tačku I izreke rješenja pod a), uvidom u službenu dokumentaciju, utvrđeno je da je VSTV BiH, na sjednici održanoj 15. i 16. januara 2025. godine, donio Odluku broj 04-07-3-285-1/2025 od 16.1.2025. godine, o prestanku mandata B [REDACTED] K [REDACTED] S [REDACTED], sutkinji Općinskog suda u Tuzli, sa danom 24.2.2025. godine, zbog podnošenja ostavke. Navedena odluka će biti objavljena u „Službenom glasniku BiH“.

U odnosu na tačku I izreke rješenja pod b), uvidom u službenu dokumentaciju utvrđeno je da je UDT registrovao pritužbu na sudiju B████ K████ S████ po podnositeljici Elviri Kučević, te da je predmet u radu. Odluka u navedenom predmetu nije donesena, niti je utvrđeno da je ranije disciplinski procesuirana.

U odnosu na tačku II izreke rješenja, konstatovano je da VSTV BiH nije vlasnik tražene informacije, a imajući u vidu nadležnosti institucije propisane u članu 17. Zakona o VSTV-u BiH, odnosno ne posjeduje informacije i ne može uz razumno uloženi trud utvrditi koja institucija BiH je vlasnik informacije o mogućoj krivičnoj prijavi protiv sutkinje K████ S████, stoga je u skladu sa članom 23. stav (8) Zakona o slobodi pristupa informacijama na nivou institucija Bosne i Hercegovine ("Službeni glasnik BiH" 61/23; u daljem tekstu: Zakon), zaključeno da se zahtjev u ovom dijelu odbacuje zbog nenadležnosti.

Postupajući po zahtjevu podnositeljice, a u skladu sa svim gore navedenim, odlučeno je kao u dispozitivu ovog rješenja.

Pouka o pravnom lijeku:

Protiv ovog rješenja podnositeljica zahtjeva ima pravo podnijeti žalbu Žalbenom vijeću pri Vijeću ministara Bosne i Hercegovine u roku od 15 dana od dana prijema istog. Ukoliko Žalbeno vijeće ne odluči po žalbi u roku od 30 dana od dana prijema žalbe, podnositeljica žalbe ima pravo pokrenuti upravni spor pred Sudom Bosne i Hercegovine zbog šutnje administracije.



Dostavljeno:

1. Podnositeljici zahtjeva
2. Uredu disciplinskog tužioca
3. Odjelu za imenovanje i napredovanje
4. U spis